



O'ZBEKISTON RESPUBLIKASI VAZIRLAR MAHKAMASINING QARORI

20 23 yil « 14 » oktabr

№ 539

Toshkent sh.

Аҳолининг ижтимоий ҳимоя олиш ҳуқуқларини таъминлаш ҳамда давлат ижтимоий ёрдами ва хизматларини кўрсатишга доир қўшимча чора-тадбирлар тўғрисида

Ўзбекистон Республикаси Президентининг “Аҳолига ижтимоий хизмат ва ёрдамлар кўрсатиш тизимини янада такомиллаштириш чора-тадбирлари тўғрисида” 2023 йил 28 сентябрдаги ПҚ–319-сон қарори ижросини таъминлаш мақсадида Вазирлар Маҳкамаси **қарор қилади:**

1. Ўзбекистон Республикаси Президентининг 2023 йил 28 сентябрдаги ПҚ–319-сон қарорига мувофиқ **28 та туман (шаҳар)да**, эксперимент тариқасида, Ўзбекистон Республикаси Президенти ҳузуридаги Ижтимоий ҳимоя миллий агентлигининг (кейинги ўринларда – Агентлик) **“Инсон” ижтимоий хизматлар марказлари ва ижтимоий ходимлар кўрсатадиган ижтимоий хизматлар ва ёрдамларнинг янги тизими йўлга қўйилганлиги** маълумот учун қабул қилинсин.

2. Эксперимент доирасида қуйидагилар:

2023 йил 15 октябрдан бошлаб “Инсон” ижтимоий хизматлар марказлари ва ижтимоий ходимлар кўрсатадиган ижтимоий хизматлар ва ёрдамлар рўйхати 1-иловага мувофиқ;

ижтимоий ҳимояга муҳтож шахснинг сўровномасини талаб этмаган ҳолда ижтимоий хизматлар ва ёрдамлар кўрсатиладиган ҳолатлар ҳамда унинг номидан сўровнома (ариза) киритиш йўли билан кўрсатиладиган **ижтимоий хизматлар ва ёрдамлар рўйхати 2-иловага мувофиқ тасдиқлансин.**

3. Шундай тартиб жорий этилсинки, унга мувофиқ:

а) **2023 йил 15 октябрдан бошлаб:**

ўзгалар парваришига муҳтож бўлган ёлғиз яшовчи ҳамда ёлғиз кексалар ва ногиронлиги бўлган шахслар “Инсон” ижтимоий хизматлар кўрсатиш марказлари томонидан тасдиқланган жадвал асосида бир йилда камида бир маротаба туман тиббиёт бирлашмаси билан келишилган ҳолда чуқурлаштирилган тиббий кўрикдан ўтказилади;

ижтимоий ходим ассистенти томонидан ёлғиз яшовчи ҳамда ёлғиз кексалар ва ногиронлиги бўлган шахсларга маиший хизмат кўрсатиш ҳолати ижтимоий ходимлар томонидан мониторинг қилинади;

васийликка, ҳомийликка, оилага тарбияга (патронат) ҳамда оилавий болалар уйига берилган болаларнинг ҳуқуқлари ва қонуний манфаатлари ҳимоя қилиниши, уларнинг **турмуш шароитлари** ҳамда **тарбияланиши** ижтимоий ходимлар томонидан мониторинг қилинади;

боланинг қонуний вакиллари томонидан психологик-тиббий-педагогик комиссияларнинг хулосасини олиш бўйича аризалар ўзларининг яшаш жойидаги “Инсон” ижтимоий хизматлар марказларига ёки ҳудудга бириктирилган ижтимоий ходимларга тақдим этилади;

Аёлларни реабилитация қилиш ва мослаштириш бўйича республика маркази ва унинг ҳудудий бўлинмаларида ёрдам кўрсатилган ҳамда ҳимоя ордери берилган шахслар ижтимоий ходимлар томонидан олти ой давомида хонадонига ташриф буюриш орқали **сайёр мониторинг қилинади**;

ижтимоий ходимлар томонидан болаларга уйда якка тартибда таълим берилиши ҳамда ўзининг ҳудудида жойлашган умумий ўрта таълим ва мактабгача таълим ташкилотларида **инклюзив таълим ташкил этилганлиги ҳолатлари** мониторинг қилинади;

ижтимоий ходимларга фуқаролардан кам таъминланган оилалар болалари учун **нафақа** ва **моддий ёрдам тайинлаш бўйича аризаларни қабул қилиш ваколати** берилади;

туман (шаҳар) камбағалликни қисқартириш ва бандликка кўмаклашиш бўлимлари **иш ўринларини ташкил этишга доир давлат буюртмасини** маҳаллий ижро этувчи ҳокимият органларига тақдим этишдан олдин ушбу буюртмалар “Инсон” ижтимоий хизматлар марказлари билан мажбурий тартибда келишилади;

Агентлик ва унинг ҳудудий бўлинмалари ходимларига, шу жумладан, ижтимоий ходимларга ички ишлар органларининг муайян яшаш жойига эга бўлмаган шахсларни **реабилитация қилиш марказларига монеликсиз кириш ҳуқуқи** берилади;

ички ишлар органларининг муайян яшаш жойига эга бўлмаган шахсларни реабилитация қилиш марказларида ижтимоий ҳимояга муҳтож шахслар учун алоҳида **вақтинчалик бошпаналар (шелтерлар) фаолияти йўлга қўйилади**;

ички ишлар органларининг муайян яшаш жойига эга бўлмаган шахсларни реабилитация қилиш марказларида алоҳида вақтинчалик бошпаналар (шелтерлар)га жойлаштириш **“Инсон” ижтимоий хизматлар марказлари директорлари қарорлари асосида** амалга оширилади;

б) **2024 йил 1 январдан** бошлаб I гуруҳ ногиронлиги бўлган шахсга ёки 18 ёшгача ногиронлиги бўлган болага, шунингдек, даволаш муассасасининг хулосасига кўра ўзгаларнинг парваришига муҳтож бўлган 80 ёшга тўлган қарияларга қараб туришнинг ҳақиқий ҳолатлари ижтимоий ходимлар томонидан бир йилда бир маротаба ўрганилади ва ўрганиш маълумотлари **“Ягона миллий ижтимоий ҳимоя”** ахборот тизими (кейинги ўринларда – **“Ижтимоий ҳимоя” АТ**) орқали юритиб борилади.

Бунда **“Ижтимоий ҳимоя” АТ**даги қараб туришнинг ҳақиқий ҳолатлари тўғрисидаги электрон маълумотлар қараб турган шахсга пенсия тайинлашда иш стажига киритиш учун асос ҳисобланади;

в) 2024/2025 ўқув йилидан бошлаб Агентлик томонидан ўтказиладиган **“Энг фаол ижтимоий ходим”** кўрик танловининг вилоят босқичида ғолиб бўлган ижтимоий ходимлар давлат олий таълим муассасаларига **“Ижтимоий иш”** мутахассислиги бўйича **тўлов-контракт асосида ўқишга қабул қилинади;**

г) Давлат бюджети маблағлари ҳисобидан қуйидагилар қоплаб берилади:

бошқа ҳудудлардан олис ва чекка ҳудудларга келиб ишлаётган ижтимоий ходимларга турар жой ижараси учун базавий ҳисоблаш миқдорининг икки баравари миқдоридаги харажатлар;

касбий фаолият билан боғлиқ Интернет алоқаси (планшет орқали Интернет тармоғидан фойдаланиш) билан боғлиқ харажатлар;

д) **2024 йил 1 июлдан** бошлаб моддий ёрдам ва бошқа ижтимоий хизматларни ҳисобга олишнинг ягона тизимини яратиш орқали ҳар бир фуқаро (оила) учун белгиланган ижтимоий тўловлар, тақдим этилган имтиёзлар, шу жумладан, субсидиялар, хизматлар ва ёрдамларнинг ҳар бир фуқаро кесимида **“Ижтимоий ҳимоя” АТ**да ҳисоби юритилади, шунингдек, қонунчилик ҳужжатларига мувофиқ очилган давлат жамғармалари ва бошқа жамғармалар интеграция қилинади.

4. Агентлик:

2023 йил 1 ноябрдан бошлаб ижтимоий хизматлар ва ёрдамлар эксперимент тариқасида йўлга қўйиладиган туман (шаҳар)ларда **“Инсон”** ижтимоий хизматлар кўрсатиш марказларида оғир ҳаётий вазиятга тушган шахслар учун психологик ёрдам кўрсатиш тизимини жорий этсин;

2023 йил 15 ноябрга қадар ўзининг тизимига кирадиган ташкилотларга тегишли бино ва иншоотларга **ижтимоий ҳимоя йўналишидаги нодавлат нотижорат ташкилотларини**, заруратга кўра, текин фойдаланиш ҳуқуқи асосида жойлаштириш чораларини кўрсин;

2023 йил 1 декабрга қадар Камбағалликни қисқартириш ва бандлик вазирлиги билан биргаликда тиббий-ижтимоий экспертизадан ўтказиш натижасига кўра ногиронлиги бўлган шахс учун соғлиғининг ҳолатига кўра

мумкин бўлган меҳнат фаолияти турлари ва меҳнат шароитлари тўғрисидаги маълумотлар интеграциясини таъминласин;

2024 йил 1 январга қадар ижтимоий ҳимояга муҳтож аҳолининг муурожаатларини тезкор кўриб чиқишга мўлжалланган **“ишонч телефони”**ни ишга туширсин.

5. Ижтимоий ходимларнинг ойлик иш ҳақи ҳамда фаолиятининг самарадорлигини баҳолаш натижалари бўйича тўланадиган мукофот миқдорлари **3-иловага** мувофиқ тасдиқлансин.

Бунда маҳалладаги ижтимоий ходимлар фаолиятининг самарадорлигини баҳолаш мезонларининг камида 20 фоизи **маҳалла раиси** томонидан киритилган **тақдимнома** асосида белгиланади.

6. Ўзбекистон Республикаси Президентининг 2023 йил 28 сентябрдаги ПҚ–319-сон қарорига мувофиқ “Инсон” ижтимоий хизматлар марказлари директорларига муайян яшаш жойига эга бўлмаган ижтимоий ҳимояга муҳтож шахсларни Агентлик ҳузуридаги уй-жой фондига эга бўлган муассасаларга **олти ой муддатгача вақтинча рўйхатдан ўтказиш** ҳуқуқи берилганлиги маълумот учун қабул қилинсин.

7. Белгилансинки:

“Инсон” ижтимоий хизматлар марказлари томонидан рўйхатдан ўтказилган ҳар бир фуқаро тўғрисидаги маълумотлар ички ишлар органларининг миграция ва фуқароликни расмийлаштириш бўлинмаларига “Ижтимоий ҳимоя” АТ орқали тақдим этилади;

миграция ва фуқароликни расмийлаштириш бўлинмалари вақтинча рўйхатдан ўтказиш бўйича келиб тушган қарор юзасидан бир иш куни ичида фуқарони вақтинча турар жойга рўйхатга қўйиш тўғрисидаги QR-код билан ҳимояланган қайд варағини “Ижтимоий ҳимоя” АТ орқали “Инсон” ижтимоий хизматлар марказларига тақдим этади;

“Инсон” ижтимоий хизматлар марказларидаги ижтимоий ходимлар гуруҳлари томонидан ишлаб чиқилган индивидуал тартибдаги ижтимоий хизматлар ва ёрдамлар кўрсатиш режалари давлат бошқаруви органлари, маҳаллий ижро этувчи ҳокимият органлари, хўжалик бирлашмалари, фуқароларнинг ўзини ўзи бошқариш органлари ва бошқа ташкилотлар томонидан ўз ваколатлари доирасида бажарилиши мажбурий ҳисобланади;

Ички ишлар органларининг вояга етмаганларга ижтимоий-ҳуқуқий ёрдам кўрсатиш марказларига йўналтириладиган ҳар бир шахс тўғрисида тегишли профилактика инспектори томонидан 12 соат ичида у аниқланган ҳудуддаги “Инсон” ижтимоий хизматлар маркази мажбурий тартибда хабардор қилинади;

ижтимоий ходимларга транспорт харажатлари учун ҳар ойда базавий ҳисоблаш миқдорида компенсация тўлаб борилади;

“Инсон” ижтимоий хизматлар марказлари ҳамда ижтимоий ходимнинг талабномасини кўриб чиқиш муддати ўн кун ҳисобланади;

“Инсон” ижтимоий хизматлар марказлари Давлат герби тасвири туширилган ва ўз номи давлат тилида ёзилган муҳрга эга бўлади.

8. Қуйидагилар:

ижтимоий ходимлар томонидан ижтимоий хизматлар кўрсатиладиган олис ва чекка ҳудудлар рўйхати **4-иловага** мувофиқ;

“Инсон” ижтимоий хизматлар марказининг маҳаллий ижро этувчи ҳокимият органлари, ҳудудий давлат органлари ва ташкилотлари ҳамда фуқароларнинг ўзини ўзи бошқариш органлари билан ўзаро ҳамкорлик йўналишлари **5-иловага** мувофиқ;

“Ягона миллий ижтимоий ҳимоя” ахборот тизимига интеграция қилинадиган электрон маълумотлар базалари ва идоралараро маълумотлар алмашинуви рўйхати **6-иловага** мувофиқ тасдиқлансин.

9. Агентлик:

а) икки ой муддатда:

“Инсон” ижтимоий хизматлар марказлари директорларига муайян яшаш жойига эга бўлмаган ижтимоий ҳимояга муҳтож шахсларни Агентлик ҳузуридаги уй-жой фондига эга бўлган муассасаларга олти ой муддатгача вақтинча рўйхатдан ўтказиш бўйича таклифларни;

манфаатдор вазирлик ва идоралар билан биргаликда қонунчилик ҳужжатларига ушбу қарордан келиб чиқадиган ўзгартириш ва қўшимчалар тўғрисида Вазирлар Маҳкамасига таклифлар киритсин;

б) **уч ой муддатда** ўзгалар парваришига муҳтож бўлган ёлғиз яшовчи ҳамда ёлғиз кексалар ва ногиронлиги бўлган шахслар учун ижтимоий хизматлар кўрсатишнинг тасдиқланган индивидуал дастурларини қайта кўриб чиқиб, индивидуал дастурларига тузатишлар киритилишини таъминласин.

10. Вазирлар Маҳкамасининг “Ўзбекистон Республикаси Президентининг ҳузуридаги Ижтимоий ҳимоя миллий агентлиги ҳузуридаги Ижтимоий ҳимояни ривожлантириш институти ва Ижтимоий ҳимоя тизими ходимларининг малакасини ошириш маркази фаолиятини ташкил этиш чора-тадбирлари тўғрисида” 2023 йил 30 сентябрдаги 518-сон қарорининг 3-банди тўртинчи хатбошиси қуйидаги таҳрирда баён этилсин:

“Институт ва Марказнинг штат бирликлари Ўзбекистон Республикаси Президентининг “Ўзбекистон Республикаси Президенти ҳузуридаги Ижтимоий ҳимоя миллий агентлиги фаолиятини ташкил этиш тўғрисида” 2023 йил 1 июндаги ПҚ–176-сон қарорига асосан давлат умумий ўрта таълим муассасаларидаги ижодий-маданий масалалар бўйича тарғиботчи лавозими тугатилиши муносабати билан бўшаган штатлар ҳисобидан шакллантирилади”.

11. Мазкур қарорнинг бажарилишини назорат қилиш Ўзбекистон Республикаси Бош вазирининг ўринбосари – иқтисодиёт ва молия вазири Ж.А. Қўчқоров зиммасига юклансин.

**Ўзбекистон Республикасининг
Бош вазири**



А. Арипов

**“Инсон” ижтимоий хизматлар марказлари ва ижтимоий ходимлар
кўрсатадиган ижтимоий хизматлар ва ёрдамлар
РЎЙХАТИ**

T/p	Кўрсатиладиган ижтимоий хизмат ва ёрдамлар
I. “Инсон” ижтимоий хизматлар марказлари томонидан кўрсатиладиган ижтимоий хизмат ва ёрдамлар	
1.	Тазйикқа учраган хотин-қизлар ва вояга етмаганларга психологик хизмат кўрсатиш
2.	Ёшга доир, ногиронлик, боқувчисини йўқотганлик, ногиронлиги бўлган 18 ёшгача болалар ва ногиронлиги бўлган болаларни парваришлаётган оналар учун ҳамда бола туғилганда бериладиган нафақаларни тўлаш*
3.	Дафн нафақасини тўлаш*
Ўзгалар парваришига муҳтож бўлган ёлғиз яшовчи ҳамда ёлғиз кексалар ва ногиронлиги бўлган шахслар бўйича	
4.	Ҳар йили бир маротаба чуқурлаштирилган тиббий кўрикдан ўтказиш бўйича жадвални тузиш ишларини ташкил этиш
5.	Протез-ортопедия мосламалари ва реабилитация қилишнинг техник воситаларини олиш учун сертификатни расмийлаштириш
6.	Талабгорларни ўзгалар парваришига муҳтож бўлган ёлғиз яшовчи ёки ёлғиз кекса ва ногиронлиги бўлган шахс деб эътироф этиш ёки бекор қилиш, шунингдек ёлғиз кексалар ва ногиронлиги бўлган шахслар рўйхатига киритиш (ундан чиқариш)
7.	“Саховат” ва “Мурувват” интернат уйларига жойлаштириш учун мурожаатларни қабул қилиш
8.	Маданий тадбирларни, шу жумладан концерт дастурларини ташкил этиш*
Ногиронлиги бўлган шахслар, оғир касалликка чалинганлар, шунингдек, жисмоний, ақлий, сенсор ёки рухий нуқсонлари бўлган ҳамда узоқ вақт даволанишга муҳтож бўлган болалар бўйича	
9.	Ногиронлиги бўлган шахслар учун протез-ортопедия мосламалари ва реабилитация қилишнинг техник воситалари билан таъминлаш учун сертификат расмийлаштириш
10.	Меҳнатга лаёқатли ногиронлиги бўлган шахсларни тиббий-ижтимоий эксперт комиссияларининг тавсияси ҳамда йўлланмасига асосан бандлигини таъминлаш ёки касбга тайёрлаш бўйича туман (шаҳар) Камбағалликни қисқартириш ва бандлик бўлимига йўналтириш ва мониторингини олиб бориш
11.	Ногиронлиги бўлган шахсларга Ногиронлиги бўлган шахсларни реабилитация қилиш ва протезлаш миллий марказида стационар шароитда даволаниш учун йўлланма бериш*
12.	Ногиронлиги бўлган шахсларга “Параспорт ўйинларида тасниф қоидалари ва принциплари”га кўра параспорт билан шуғулланишлари бўйича берилган тавсияларига асосан спорт объектларига йўналтириш
13.	“Мурувват” интернат уйларига жойлаштириш учун мурожаатларни қабул қилиш

14.	Болаларнинг психофизиологик ёш хусусияти, мойиллиги, қобилияти, қизиқиши, ҳаёти ва соғлиғи муҳофазаси талабларига мувофиқ равишда реабилитация тадбирларини туман тиббиёт бирлашмасида, шу жумладан нодавлат-нотижорат ташкилотлар билан ҳамкорликда ўтказишни таъминлаш*
15.	Спорт мажмуаларида бассейн-даволаш ва жисмоний тарбия (ЛФК) залларидан фойдаланишни ташкил этиш*
16.	Алоҳида таълим эҳтиёжлари бўлган болаларни психологик-тиббий-педагогик комиссия текширувидан ўтказиш учун аризаларни қабул қилиш ҳамда Психологик-тиббий-педагогик комиссиянинг кейинги йиғилиши юзасидан ахборот бериш
Тазйиқ ва зўравонлик ҳолатлари бўйича	
17.	Тазйиқ ва зўравонликка учраган хотин-қизлар ва уларнинг вояга етмаган фарзандларининг йўқотилган биометрик паспортларини (идентификация ID-карталарини), туғилганлик ҳақида ҳамда никоҳ қайд этилганлиги тўғрисида такрорий гувоҳнома олиш, никоҳда турмаслиги ёки никоҳдан ажралганлиги тўғрисидаги маълумотнома, ёлғиз она аризасига асосан қайд қилинган туғилганлик ҳақида маълумотнома ҳамда фамилия, исм, ота исмини ўзгартирганлик ҳақида маълумотномани тиклаш, шунингдек яроқсиз ҳолатга келган ёки йўқотилган меҳнат дафтарчасидаги ёзувларни тасдиқлаш ишларини ташкил қилиш*
18.	Тазйиққа учраган аёлларни хотин-қизларнинг касб-хунарга ўрганиш истаги бўлганларини ҳудудлардаги мономарказ ва касб-хунарга ўқитиш марказларида касбга ўргатишга йўлланма бериш*
19.	Тазйиқ ва зўравонликдан жабр кўрган хотин-қизлар ва уларнинг фарзандларининг ҳуқуқлари ва қонуний манфаатларини ҳимоя қилиш мақсадида судларга ариза (шикоят) ва даъволар киритиш*
20.	Аёлларни реабилитация қилиш ва мослаштириш республика маркази ва унинг ҳудудий бўлимларига жойлаштирилган аёлларнинг вояга етмаган фарзандларини энг яқин ҳудуддаги имтиёзли шартларда мактабгача ҳамда умумий ўрта таълим муассасаларига вақтинча жойлаштириш бўйича талабнома киритиш*
21.	Тазйиқ ва зўравонликдан жабр кўрган хотин-қизларнинг тижорат банкларида йўқотилган банк пластик картасини тиклаш учун тижорат банкларига мурожаат қилиш юзасидан ишончнома тасдиқлаш*
Кам таъминланган оилалар бўйича	
22.	Кам таъминланган оилаларга болалар нафақаси ва моддий ёрдам тайинлаш учун аризаларни “Ижтимоий ҳимоя ягона реестри” ахборот тизимига киритиш*
Етим болалар ва ота-она қарамоғидан маҳрум бўлган ҳамда тўлиқ бўлмаган оилалардаги болалар бўйича	
23.	Етим ва ота-она қарамоғидан маҳрум бўлган болаларни ўз оиласига олиш истагидаги номзодларни “Тутинган ота-оналарни тайёрлаш” курсларида ўқитишни ташкил этиш*
24.	Болани васийлик, ҳомийлик, оилага тарбия (патронат)га, фарзандликка олиш, оилавий болалар уйини очиш истагидаги шахсларни ўрганиш, уларни ҳисобга қўйиш, болани уларнинг қарамоғига берилишини расмийлаштириш*

Ота-оналик ҳуқуқидан маҳрум этилмасдан фарзандлари олиб кетилган ота-оналар бўйича	
25.	Оилада боланинг ҳаёти ёки соғлиғига бевосита хавф солаётган омиллар бартараф этилганда ота-оналик ҳуқуқларини тиклаш чораларини кўриш*
Вояга етмаган (18 ёшгача бўлган) оналар ва оталар бўйича	
26.	18 ёшгача бўлган оналар ва оталарни ота-оналик кўникмаларини ривожлантиришга, фарзанд парваришига ўқитишни ташкил қилиш*
II. Ижтимоий ходимлар томонидан кўрсатиладиган ижтимоий хизмат ва ёрдамлар	
27.	Васийликка, ҳомийликка, оилага тарбияга (патронат) ҳамда оилавий болалар уйига берилган болаларнинг ҳуқуқлари ва қонуний манфаатларини ҳимоя қилиш, унинг турмуш шароитлари ва тарбияланишини назорат қилиш мақсадида қонунчиликда белгиланган тартибда кузатишни (мониторинг) амалга ошириш
28.	Оғир аҳволга тушиб қолган ва оғир аҳволга тушиб қолиш хавфи юқори бўлган шахслар ва оилалар тоифаларига кирувчи шахсларга ижтимоий хизматлар ва ёрдамлар тўғрисида маълумот ҳамда тушунтиришлар бериш
Ўзгалар парваришига муҳтож бўлган ёлғиз яшовчи ҳамда ёлғиз кексалар ва ногиронлиги бўлган шахслар бўйича	
29.	Чуқурлаштирилган тиббий кўрикдан ўтказиш жадвалини патронаж ҳамшира билан биргаликда тузиш
30.	Хужжатларини расмийлаштириш ва қайта тиклашда ёрдам бериш
31.	Қариндошлари ва яқин инсонлари ўртасидаги муносабатларни тиклаш (ўрнатиш) ва ташкил қилиш
32.	Маҳалла даражасидаги ресурслар, шу жумладан ижтимоий қўллаб-қувватлаш ва кўнгиллилар гуруҳларини шакллантириш ҳамда маҳалла даражасида маданий ва маърифий тадбирлар ўтказилишини ташкил этиш*
33.	Қонунчилик ҳужжатларида бепул берилиши назарда тутилган дори-дармон билан таъминлаш ишларини ташкил этиш*
34.	80 ёшга тўлган кексаларга қараб туриш ҳақиқий ҳолатларини текшириш далолатномаси расмийлаштириш*
Ногиронлиги бўлган шахслар, оғир касалликка чалинганлар, шунингдек, жисмоний, ақлий, сенсор ёки руҳий нуқсонлари бўлган ҳамда узоқ вақт даволанишга муҳтож бўлган болалар бўйича	
35.	Жисмоний, ақлий, сенсор ёки руҳий нуқсонлари бўлган болалар орасидан алоҳида таълимга эҳтиёжи бўлган болаларни аниқлаш, уларнинг ота-оналарига мавжуд таълим шакллари ҳамда Психологик-тиббий-педагогик комиссиянинг фаолияти юзасидан ахборот бериш
36.	I гуруҳ ногиронлиги бўлган шахсга ёки 18 ёшгача ногиронлиги бўлган болага қараб туриш ҳақиқий ҳолатларини текшириш далолатномаси расмийлаштириш*
37.	Психологик-тиббий-педагогик комиссияларнинг хулосасини олиш учун ариза қабул қилиш
Тазйиқ ва зўравонлик ҳолатлари бўйича	
38.	Аёлларни реабилитация қилиш ва мослаштириш бўйича республика

	маркази ва ҳудудий бўлинмаларида ёрдам кўрсатилган ҳамда ҳимоя ордери берилган шахсларни сайёр мониторинг қилиш
Кам таъминланган оилалар бўйича	
39.	Кам таъминланган оилалар болалари учун нафақа тайинлашга ариза қабул қилиш
40.	Кам таъминланган оилаларга моддий ёрдам тайинлашга ариза қабул қилиш
Етим болалар ва ота-она қарамоғидан маҳрум бўлган ҳамда тўлиқ бўлмаган оилалардаги болалар бўйича	
41.	Боланинг қариндошлари (бобо, буви, ака-ука, опа-сингил ва бошқа яқин қариндошлар) ва у яшаётган оиланинг шахслари орасидан болани васийликка ёки ҳомийликка олишни истаган шахсларни аниқлаш ҳамда улар тўғрисида маълумотларни васийлик ва ҳомийлик органига юбориш
42.	Боланинг ота-онаси қаердалиги ҳақида бир йил давомида маълумотлар бўлмаса, уларни “бедарак йўқолган” деб топиш чораларини кўриш учун маълумотларни васийлик ва ҳомийлик органига киритиш
43.	Аҳоли орасида тегишли ташвиқотларни олиб бориш натижасида, етим ва ота-она қарамоғидан маҳрум бўлган болаларни ўз оиласига олиши мумкин бўлган шахслар рўйхатини шакллантириш ҳамда уларни васийлик ва ҳомийлик органига киритиш*
Ота-оналик ҳуқуқидан маҳрум этилмасдан фарзандлари олиб кетилган ота-оналар бўйича	
44.	Ҳаёти ва соғлиғига бевосита хавф мавжуд бўлган болалар тўғрисидаги маълумотларни васийлик ва ҳомийлик органига вакил тайинлаш учун юбориш
45.	Боланинг қариндошлари (бобо, буви, ака-ука, опа-сингил ва бошқа яқин қариндошлар) ва у яшаётган оиланинг шахслари орасидан болани васийликка ёки ҳомийликка олишни истаган шахсларни аниқлаш ҳамда улар тўғрисида маълумотларни васийлик ва ҳомийлик органига юбориш
46.	Фуқаролик ишлари бўйича суднинг ота-оналик ҳуқуқидан маҳрум қилинган ёки уларнинг ота-оналик ҳуқуқини чеклаш тўғрисида қарор қабул қилинган оилаларни мониторинг қилиш*
Ота-онаси хорижий давлатларга кетган, шу жумладан ташқи меҳнат миграциясига кетган болалар ҳамда вояга етмаган (18 ёшгача бўлган) ёлғиз оналар ва оталар бўйича	
47.	18 ёшгача бўлган ҳомиладор оналарга ҳамда уларнинг оила аъзоларига фарзандидан воз кечишнинг психологик, ижтимоий ва ҳуқуқий оқибатлари юзасидан тушунтириш бериш
48.	Ота-онасининг ҳар иккиси (ёки тўлиқ бўлмаган оилалар бўйича отаси ёки онаси) уч ойдан ортиқ муддатга чет элга кетган болаларни аниқлаш ҳамда маълумотларни васийлик ва ҳомийлик органига юбориш
49.	“Ижтимоий ҳимоя ягона реестри” ахборот тизимида рўйхатда бўлган ёки “Темир дафтар”, “Аёллар дафтари” ва “Ёшлар дафтари”дан бирига киритилган меҳнат миграциясига чиқиб кетган фуқароларнинг болаларига мавсумий фаолият юритадиган оромгоҳларга бепул йўлланмалар олишга кўмаклашиш*

Изоҳ. 2023 йил 15 октябрдан бошлаб 26 та ижтимоий хизмат йўлга қўйилади.

*) 2024 йил 1 январдан бошлаб 23 та ижтимоий хизмат йўлга қўйилади.

**Ижтимоий ҳимояга муҳтож шахснинг сўровномасини талаб этмаган ҳолда
ижтимоий хизматлар ва ёрдамлар кўрсатиладиган ҳолатлар ҳамда унинг
номидан сўровнома (ариза) киритиш йўли билан кўрсатиладиган
ижтимоий хизматлар ва ёрдамлар
РЎЙХАТИ**

Т/р	Ижтимоий хизматлар ва ёрдамлар кўрсатиладиган ҳолатлар
I. Ижтимоий ҳимояга муҳтож шахснинг алоҳида розилигини талаб қилмасдан шошилиш ижтимоий хизматлар ва ёрдамлар кўрсатиладиган ҳолатлар	
1.	Тазйиқ ва зўравонлик, шу жумладан, болаларга нисбатан зўравонлик
2.	Шошилиш тиббий ва руҳий ёрдамга муҳтожлик
3.	Муайян яшаш жойига эга бўлмаган шахслар
4.	Ота-она қарамоғисиз, қаровсиз ва назоратсиз қолиб кетган болалар аниқланган ҳолатлар
5.	Ўз жонига қасд қилиш эҳтимоли юқори бўлган ҳолатлар
II. Ижтимоий ҳимояга муҳтож шахс номидан сўровнома (ариза) киритиш йўли билан кўрсатиладиган ижтимоий хизматлар ва ёрдамлар	
1.	Пенсия тайинлаш учун зарур иш стажига эга бўлмаган кекса ёшдаги шахсларга ёшга доир ҳамда болаликдан ногиронлиги бўлган фарзандлари бор (бўлган) оналарга ёшга доир нафақасини тайинлаш*
2.	Пенсия тайинлаш учун зарур иш стажига эга бўлмаган болаликдан ногиронлиги бўлган фарзанди бор (бўлган) оналар ёшга доир, I ва II гуруҳ ногиронлиги бўлган шахсларга ногиронлик ҳамда вафот этган шахснинг қарамоғидаги оиланинг меҳнатга лаёқатсиз аъзоларига боқувчисини йўқотганлик нафақасини тайинлаш учун*
Ўзгалар парваришига муҳтож бўлган ёлғиз яшовчи ҳамда ёлғиз кексалар ва ногиронлиги бўлган шахслар бўйича	
3.	Протез-ортопедия мосламалари ва реабилитация қилишнинг техник воситаларини ажратиш ажратиш учун сертификат расмийлаштириш
4.	Кексалар ва ногиронлиги бўлган шахслар учун Ижтимоий ҳимоя миллий агентлиги тизимидаги санаторийларга йўлланмалар ажратиш
5.	Талабгорларни ўзгалар парваришига муҳтож бўлган ёлғиз яшовчи ёки ёлғиз кекса ва ногиронлиги бўлган шахс деб эътироф этиш ёки бекор қилиш, шунингдек ёлғиз кексалар ва ногиронлиги бўлган шахслар рўйхатига киритиш (ундан чиқариш)
6.	Яшаш жойида санитария-эпидемияга қарши тадбирларини ўтказиш*
Ногиронлиги бўлган шахслар, шу жумладан ногиронлиги бўлган болалар бўйича	
7.	Ногиронликни белгилаш ва ногиронлик гуруҳини ўзгартириш
8.	Протез-ортопедия мосламалари ва реабилитация қилишнинг техник воситаларини ажратиш
9.	Ногиронлиги бўлган шахслар учун мумкин бўлган меҳнат фаолияти

Т/р	Ижтимоий хизматлар ва ёрдамлар кўрсатиладиган ҳолатлар
	турлари тўғрисидаги маълумотнома (тавсиянома) олиш
10.	Махсус жиҳозланган транспорт воситасини бошқариш учун хулоса сўраб қилган мурожаатини тиббий-ижтимоий-эксперт комиссиясига йўналтириш
11.	Пенсия тайинлаш учун зарур иш стажига эга бўлмаган I ва II гуруҳ ногиронлиги бўлган шахсларга ногиронлик нафақасини тайинлаш ва тўлаш*
12.	Ногиронлиги бўлган шахсларга ер участкаларини онлайн-аукционда сотиб олиш харажатларининг бир қисmini қоплаб бериш*
13.	Тиббий-ижтимоий эксперт комиссиялари томонидан ногиронлиги бўлган шахсларга “Параспорт ўйинларида тасниф қоидалари ва принциплари”га кўра параспорт билан шуғулланишлари учун хулоса олиш
Тазйик ва зўравонликдан жабр кўрган шахслар бўйича	
14.	Мактабгача ва мактаб таълими ташкилотларига жойлаштириш*
Кам таъминланган оилалар бўйича	
15.	“Ижтимоий ҳимоя ягона реестри” ахборот тизими орқали кам таъминланган деб эътироф этилганлиги тўғрисида маълумотномани олиш*
16.	Мактабгача таълим ташкилотларига жойлаштириш*
Етим ва ота-онасининг қарамоғидан маҳрум бўлган ҳамда тўлиқ бўлмаган оилалардаги болалар бўйича	
17.	Пенсия олиш ҳуқуқига эга бўлмаган вофот этган шахснинг қарамоғидаги оиланинг меҳнатга лаёқатсиз аъзоларига боқувчисини йўқотганлик нафақасини расмийлаштириш*
18.	Мактабгача таълим ташкилотларига жойлаштириш

Изоҳ. 2023 йил 15 октябрдан бошлаб 9 та ижтимоий хизмат йўлга қўйилади.

*) 2024 йил 1 январдан бошлаб 9 та ижтимоий хизмат йўлга қўйилади.

**Ижтимоий ходимларнинг ойлик иш ҳақи ва фаолиятининг
самарадорлигини баҳолаш натижалари бўйича тўланадиган мукофот
МИҚДОРЛАРИ**

T/p	Кўрсаткичлар	Миқдори
I. Ойлик иш ҳақи миқдорлари <i>(бириктирилган ҳудуддаги оилалар сонидан келиб чиқиб, меҳнатга ҳақ тўлашнинг энг кам миқдорига нисбатан)</i>		
1.	Ижтимоий хизматларни ташкиллаштириш бўйича мутахассис ҳамда 1 500 тагача оилага хизмат кўрсатадиган ижтимоий ходимлар учун	4 баравар
2.	1 501 тадан 2 000 тагача оилага хизмат кўрсатадиган ижтимоий ходимлар учун	4,2 баравар
3.	2 001 тадан 2 500 тагача оилага хизмат кўрсатадиган ижтимоий ходимлар учун	4,4 баравар
4.	2 501 тадан 3 000 тагача оилага хизмат кўрсатадиган ижтимоий ходимлар учун	4,6 баравар
5.	3 001 тадан 3 500 тагача оилага хизмат кўрсатадиган ижтимоий ходимлар учун	4,8 баравар
6.	Мобил гуруҳлардаги ижтимоий ходимлар ҳамда 3 500 тадан ортиқ оилага хизмат кўрсатадиган ижтимоий ходимлар учун	5 баравар
II. Фаолият самарадорлигини баҳолаш натижалари бўйича тўланадиган ҳар ойлик мукофот миқдори <i>(ойлик иш ҳақиға нисбатан)</i>		
1.	Фаолият самарадорлиги “қониқарли” деб топилганда	15 фоиз
2.	Фаолият самарадорлиги “яхши” деб топилганда	30 фоиз
3.	Фаолият самарадорлиги “аъло” деб топилганда	50 фоиз

Изоҳ.

Ойлик иш ҳақини ҳисоблашда ижтимоий ходимларга бириктирилган маҳаллаларда тўлиқсиз оила ёки шахслардан иборат бўлган хонадонлар оила сифатида тан олинади.

Мобил гуруҳлардаги ижтимоий ходимларга Ижтимоий ҳимоя давлат жамғармаси маблағлари ҳисобидан ойлик иш ҳақининг 50 фоизи миқдорида ҳар ой қўшимча тўлов тўлаб борилади.

Вазирлар Маҳкамасининг
2023 йил 14 октябрдаги 539 -сон қарорига
4-илова

**Ижтимоий ходимлар томонидан ижтимоий хизматлар
кўрсатиладиган олис ва чекка ҳудудлар
РЎЙХАТИ**

T/p	Туман (шаҳар) номи	Олис ва чекка ҳудуд номи
1. Қорақалпоғистон Республикаси		
1.	Бўзатов тумани	“Аспантай” ОФЙ
2.		“Кўксу” ОФЙ
3.	Қўнғирот тумани	“Қорақалпоғистон” ОФЙ
4.		“Жаслик” ОФЙ
5.		“Қирқкиз” ОФЙ
6.		“Суўенли” ОФЙ
7.		“Раўшан” ОФЙ
8.		“Ажинияз” ОФЙ
9.		“Елабад” ПФЙ
10.		“Хорезм” ОФЙ
11.	Мўйноқ тумани	“Қазақдарья” ОФЙ
12.		“Қизилжар ОФЙ
13.	Тахтақўпир тумани	“Ҳакимота” ОФЙ
14.		“Қоструба” ОФЙ
15.		“Қониратқўл” ОФЙ
16.		“Белтау” ОФЙ
17.		“Мулк” ОФЙ
18.	Тўртқўл тумани	“Оқ қамиш” ОФЙ
19.		“Қумбасқан” ОФЙ
20.		“Пахтаобод” ОФЙ
21.		“Ямбошқалъа” ОФЙ
22.		“Кўкча” ОФЙ
23.		“Отаўба ОФЙ
24.		“Мискин” МФЙ
25.	Қораўзак тумани	“Қойбақ” ОФЙ
26.	Амударё тумани	“Назархан” ОФЙ
27.	Тахиатош тумани	“Сарайқўл” ОФЙ
28.	Кегейли тумани	“Жалпақжап” ОФЙ
29.		“Кокозек” ОФЙ
30.	Шуманай тумани	“Бирлешик” ОФЙ
31.		“Кетенлер” ОФЙ
32.	Хўжайли тумани	“Қумжиққин” ОФЙ
33.	Нукус тумани	“Кердер” ОФЙ
34.		“Тақфкол” ОФЙ
35.	Чимбой тумани	“Қизилўзьяк” ОФЙ
36.	Қонлиқўл тумани	“Қосжап” ОФЙ

37.		“Жайхун” МФЙ
38.	Нукус шаҳри	“Қаратау” МФЙ
39.	Элликқалъа тумани	“Чуқурқак” МФЙ
40.		“Қизилқум” МФЙ
2. Бухоро вилояти		
41.	Шофиркон тумани	“Шароф Рашидов” МФЙ
42.	Ромитан тумани	“Газли” МФЙ
43.		“Қизил Равот” МФЙ
44.	Ғиждувон тумани	“Оғитма” МФЙ
45.	Пешкў тумани	“Жонгелди” МФЙ
3. Жиззах вилояти		
46.	Янгиобод тумани	“Сармич” МФЙ
47.		“Қўшқанд” МФЙ
48.	Фориш тумани	“Гараша” МФЙ
49.		“Нарвон” МФЙ
50.		“Ўхум” МФЙ
51.		“Дарвоза” МФЙ
52.		“Дўстлик” МФЙ
53.		“Бўстон” МФЙ
54.	Ғаллаорол тумани	“Гулчамбар” ҚФИ
55.		“Губдин” МФЙ
56.		“Кўкбулоқ” ҚФИ
57.		“Қипчоқсув” МФЙ
58.		“Жийдали” ҚФИ
59.		“Қўйтош” ШФИ
60.		“Оқтош” МФЙ
61.		“Саврук” МФЙ
62.		“Коризқудук” ҚФИ
63.		Зафаробод тумани
64.	Зарбдор тумани	“Оқар” МФЙ
65.	Бахмал тумани	“Бахмал” МФЙ
66.		“Музбулоқ” МФЙ
67.	Шароф Рашидов тумани	“Кўрпасой” МФЙ
68.		“Тинчлик” МФЙ
4. Қашқадарё вилояти		
69.	Қарши тумани	“Поштон” МФЙ
70.		“Чўлибўстон” МФЙ
71.		“Керайит” МФЙ
72.		“Ҳилол” МФЙ
73.		“Боғобод” МФЙ
74.	Дехқонобод тумани	“Бошқорбоғ” МФЙ
75.		“Бойқўрғон” МФЙ
76.		“Оққишлоқ” МФЙ
77.		“Тарқопчиғай” МФЙ
78.		“Дуоб” МФЙ
79.	Қамаши тумани	“Катта ўра” МФЙ

80.		“Боғобод” МФЙ
81.	Косон тумани	“Олачабоғ” МФЙ
82.	Нишон тумани	“Дўстлик” МФЙ
83.		“Қирққулоч” МФЙ
84.	Касби тумани	“Чўлқувар” ҚФЙ
85.	Чироқчи тумани	“Тулистон” МФЙ
86.		“Эски анҳор” МФЙ
87.		“Мирзатуп” МФЙ
88.		“Араббанди” МФЙ
89.		“Чамбил” МФЙ
90.		“Шўрқудук” МФЙ
91.		“Шамолқудук” МФЙ
92.		“Шўрбозор” МФЙ
93.	Шахрисабз тумани	“Ғилон” МФЙ
94.		“Мираки” МФЙ
95.		“Сарчашма” МФЙ
96.		“Кўл” МФЙ
97.		“Ҳисорак” МФЙ
98.	Яккабоғ тумани	“Татар” МФЙ
99.		“Ўрта” МФЙ
100.	Миришкор тумани	“Гулшанбоғ” МФЙ
101.		“Навбаҳор” МФЙ
102.		“Помук” МФЙ
103.	Китоб тумани	“Кўхсор” МФЙ
104.	Муборак тумани	“Сардоба” МФЙ
105.	Ғузор тумани	“Қоракўл” МФЙ
106.		“Эшонқудук” МФЙ
5. Навоий вилояти		
107.	Зарафшон шаҳри	“Мурунгов” МФЙ
108.		“Даугизтау” МФЙ
109.	Хатирчи тумани	“Майдон” МФЙ
110.		“Мирдош” МФЙ
111.		“Ангидон” МФЙ
112.		“Лангар” МФЙ
113.		“Кўкпатас” ОФЙ
114.	Учқудук тумани	“Алтинтов” ОФЙ
115.		“Узунқудук” ОФЙ
116.		“Боздун” ОФЙ
117.		“Мингбулок” ОФЙ
118.		“Авангард овули” (“Кўқаяз” ОФЙ таркибида)
119.	Нурота тумани	“Янгитурмуш” МФЙ
120.		“Қадоқ” МФЙ
121.		“Сентоб” МФЙ
122.		“Темирқовуқ” МФЙ
123.		“Қизилча” МФЙ
124.		“Сувлик” МФЙ
125.		“Каттасой” МФЙ

126.	Конимех тумани	“Қараката” ҚФЙ
127.		“Саржал” ОФЙ
128.		“Янгиқазган” ҚФЙ
129.		“Уштеба” ОФЙ
130.		“Боймурат” ОФЙ
131.	Қизилтепа тумани	“Янги ҳаёт” МФЙ
132.	Томди тумани	“Аяккудук ОФЙ
133.		“Керегетов” ОФЙ
134.		“Кориз” ОФЙ
135.		“Сукетти” ОФЙ
136.		“Томдибулак” ОФЙ
137.		“Шиели” ОФЙ
6. Наманган вилояти		
138.	Поп тумани	“Тулистон” МФЙ
139.		“Юқори Чодакбоши” МФЙ
140.		“Навбаҳор” МФЙ
141.		“Олтинкон” МФЙ
142.		“Боғишамол” МФЙ
143.		“Чоркесар” МФЙ
144.		“Қўшминор” МФЙ
145.		“Имон ота” МФЙ
146.		“Маданият” МФЙ
147.	Янгиқўрғон тумани	“Зарбдор” МФЙ
148.		“Мамай” МФЙ
149.		“Соҳибкор” МФЙ
150.		“Қайроқи” МФЙ
151.	Чортоқ тумани	“Ҳазратишох” МФЙ
152.		“Боғистон” МФЙ
153.		“Созсой” МФЙ
7. Самарқанд вилояти		
154.	Нуробод тумани	“Сазағон” МФЙ
155.		“Омондара” МФЙ
156.		“Жом” МФЙ
157.		“Сахоба” МФЙ
158.		“Жарқудук” МФЙ
159.		“Булоқбоши” МФЙ
160.		“Ағрон” МФЙ
161.		“Аработа” МФЙ
162.		“Нурдум” МФЙ
163.		“Олтинсой” МФЙ
164.		“Бошқудук” МФЙ
165.		“Олға” МФЙ
166.		“Ўртабўз” МФЙ
167.		“Лолазор” МФЙ
168.		Пайариқ тумани
169.	“Ғаллакор” МФЙ	

170.	Каттакўрғон тумани	“Бунёдкор” МФЙ
171.		“Жизмонсой” МФЙ
172.	Кўшработ тумани	“Тоз” МФЙ
173.		“Янгиқишлоқ” МФЙ
174.		“Жонбулоқ” МФЙ
175.		“Кўштамғали” МФЙ
176.		“Оқчобсой” МФЙ
177.		“Минишкор” МФЙ
178.		“Чиммос” МФЙ
179.		“Қоратош” МФЙ
180.		“Дўстлик” МФЙ
181.		“Қовунчи” МФЙ
182.		“Пангат” МФЙ
183.		“Қувкалла” МФЙ
184.		“Бойпурушли” МФЙ
185.		“Юқорисарой” МФЙ
186.	Пахтачи тумани	“Чашма” МФЙ
8. Сирдарё вилояти		
187.	Сардоба тумани	“Равот” МФЙ
188.		“Пахтакор” МФЙ
189.		“Дўстлик” МФЙ
190.		“Бирлик” МФЙ
191.	Оқолтин тумани	“Бўстон” МФЙ
192.	Сайхунобод тумани	“Ўрикзор” МФЙ
193.	Сирдарё тумани	“Тараққиёт” МФЙ
194.	Ховос тумани	“Бинокор” МФЙ
195.	Мирзаобод тумани	“Йўлдошобод” МФЙ
196.		“Янгиҳаёт” МФЙ
9. Сурхондарё вилояти		
197.	Бандихон тумани	“Обикор” МФЙ
198.		“Лимонзор” МФЙ
199.		“Ободюрт” МФЙ
200.	Музработ тумани	“Чегарачи” МФЙ
201.		“Файзобод” МФЙ
202.	Термиз тумани	“Гулбаҳор” МФЙ
203.	Олтинсой тумани	“Хўжаипок” МФЙ
204.	Шўрчи тумани	“Тамшуш” МФЙ
205.	Қумқўрғон тумани	“Тебет” МФЙ
206.		“Хўжамулки” МФЙ
207.		“Ариқочган” МФЙ
208.	Шеробод тумани	“Чорбоғ” МФЙ
209.		“Вандоб” МФЙ
210.		“Ўзунсой” МФЙ
211.		“Ғуржар-2” МФЙ
212.		“Қорабоғ” МФЙ
213.		“Меҳнатобод” МФЙ

214.	Сариосиё тумани	“Сангардак” МФЙ
215.		“Субҳидам” МФЙ
216.		“Чош” МФЙ
217.		“Хонжиза” МФЙ
218.		“Маланд” МФЙ
219.		“Карш” МФЙ
220.		“Эхтиром” МФЙ
221.		“Хуфар” МФЙ
222.	Узун тумани	“Хурсанд” МФЙ
223.		“Маданий турмуш” МФЙ
224.		“Толтугай” МФЙ
225.		“Боботоғ” МФЙ
226.		“Янгиобод” МФЙ
227.		“Хўжакулсин” МФЙ
228.		“Ўрмончи” МФЙ
229.		“Оқмачит” МФЙ
230.		“Чагам (Нурли келажак)” МФЙ
231.		“Заркамар” МФЙ
232.		“Томчи” МФЙ
233.		“Паҳлавон” МФЙ
234.	“Жийдабулоқ” МФЙ	
235.	Бойсун тумани	“Қизилнавр” МФЙ
236.		“Хўжаидод” МФЙ
237.		“Деҳибола” МФЙ
238.		“Чилонзор” МФЙ
239.		“Ўрмончи” МФЙ
240.		“Ўрта мачай” МФЙ
241.		“Мунчок” МФЙ
242.	Денов тумани	“Пожур” МФЙ
243.		“Ушор” МФЙ
244.		“Киёвсув” МФЙ
10. Тошкент вилояти		
245.	Бекобод тумани	“Уяс” МФЙ
246.		“Найман” МФЙ
247.		“Дехқонобод” МФЙ
248.		“Ачамайли” МФЙ
249.	Паркент тумани	“Янги Санганак” МФЙ
250.	Юқори Чирчиқ тумани	“Кўрсой” МФЙ
251.	Бўка тумани	“Кўкорол” МФЙ
252.		“Истиклол” МФЙ
253.		“Самарқанд” МФЙ
254.		“Янгиқўрғон” МФЙ
255.	Оҳангарон тумани	“Янгиҳаёт” МФЙ
256.		“Овжазсой” МФЙ
257.		“Гулобод” МФЙ
258.		“Кўксарой” МФЙ
259.		“Чинор” МФЙ

260.	Бўстонлик тумани	“Четсув” МФЙ
261.		“Сусам” МФЙ
262.		“Қорамозор” МФЙ
263.		“Навобод” МФЙ
264.		“Бурчимулло” МФЙ
265.		“Нанай” МФЙ
266.		“Алғабас” МФЙ
267.		“Боғистон” МФЙ
268.		“Дадабоев” МФЙ
269.		“Яккатут” МФЙ
270.		“Узун” МФЙ
271.		“Боладала” МФЙ
272.		“Пском” МФЙ
273.		“Чимган” МФЙ
274.	Пискент тумани	“Зоминовул” МФЙ
275.		“Оқтом” МФЙ
276.	Ангрен шаҳри	“Нишбош” МФЙ
277.		“Лашкерак” МФЙ
278.		“Жигаристон” МФЙ
11. Фарғона вилояти		
279.	Сўх тумани	“Янгиариқ” МФЙ
280.		“Сариканда” МФЙ
281.		“Офтобру” МФЙ
282.		“Навобод” МФЙ
283.		“Мулгон” МФЙ
284.		“Демурсад” МФЙ
285.		“Зангат” МФЙ
286.		“Қизилқиёқ” МФЙ
287.		“Хушёр” МФЙ
288.		“Шарқобод” МФЙ
289.		“Ленбур” МФЙ
290.		“Тул” МФЙ
291.		“Ғазноб” МФЙ
292.	Фарғона тумани	“Ёрдон” МФЙ
293.		“Шоҳимардон” МФЙ
294.		Тараққиёт аҳоли пункти (“Шоҳимардон” МФЙ таркибида)
295.	Риштон тумани	“Чўнғара” МФЙ
12. Хоразм вилояти		
296.	Тупроққалъа тумани	“Тупроққалъа маскани” МФЙ
297.		“Саримай” МФЙ
298.		“Ҳазорасп” МФЙ
299.		“Нукус” МФЙ

**“Инсон” ижтимоий хизматлар марказининг маҳаллий ижро этувчи ҳокимият органлари, ҳудудий давлат органлари
ва ташкилотлари ҳамда фуқароларнинг ўзини ўзи бошқариш органлари билан ўзаро ҳамкорлик
ЙЎНАЛИШЛАРИ**

T/p	Кўрсатиладиган ижтимоий хизматлар	Ҳамкор ташкилот	Ҳамкорлик шакли
Ижтимоий ходимлар			
1.	Ўзгалар парваришига муҳтож бўлган ёлғиз яшовчи ҳамда ёлғиз кексалар ва ногиронлиги бўлган шахсларнинг ҳужжатларини расмийлаштириш ва қайта тиклашда ёрдам бериш	Ички ишлар бўлими, адлия бўлими	Талабномани қабул қилиб олиш, хизмат кўрсатиш, ахборот бериш
2.	Ўзгалар парваришига муҳтож бўлган ёлғиз яшовчи ҳамда ёлғиз кексалар ва ногиронлиги бўлган шахсларга чуқурлаштирилган тиббий кўрикдан ўтказиш жадвалини патронаж ҳамшира билан биргаликда тузиш	Тиббиёт бирлашмаси	Талабномани қабул қилиб олиш, хизмат кўрсатиш
3.	Аёлларни реабилитация қилиш ва мослаштириш бўйича республика маркази ва ҳудудий бўлинмаларида ёрдам кўрсатилган ҳамда ҳимоя ордери берилган шахсларни сайёр мониторинг қилиш	Маҳалла фуқаролар йиғини раиси, ҳоким ёрдамчиси, профилактика инспектори, хотин-қизлар фаоли, ёшлар етакчиси, ички ишлар бўлими	Талабномани қабул қилиб олиш, хизмат кўрсатиш, ахборот бериш
4.	Боланинг қариндошлари (бобо, буви, ака-ука, опа-сингил ва бошқа яқин қариндошлар) ва у яшаётган оиланинг шахслари орасидан болани васийликка ёки ҳомийликка олишни истаган шахсларни аниқлаш ҳамда улар тўғрисида маълумотларни васийлик ва ҳомийлик органига юбориш	Васийлик ва ҳомийлик органи	Талабномани қабул қилиш, қарор чиқариш, қарор ижрочини таъминлаш чораларини кўриш
5.	Боланинг ота-онаси қаердалиги ҳақида бир йил давомида маълумотлар	Васийлик ва	Талабномани қабул

	бўлмаса, уларни “бедарак йўқолган” деб топиш чораларини кўриш учун маълумотларни васийлик ва ҳомийлик органига киритиш	ҳомийлик органи	қилиш, қарор чиқариш, қарор ижрочини таъминлаш чораларини кўриш
6.	Ҳаёти ва соғлиғига бевосита хавф мавжуд бўлган болалар тўғрисидаги маълумотларни васийлик ва ҳомийлик органига вакил тайинлаш учун юбориш	Васийлик ва ҳомийлик органи, ички ишлар бўлими	Талабномани қабул қилиш, қарор чиқариш, қарор ижрочини таъминлаш чораларини кўриш
7.	Ота-онасининг ҳар иккиси (ёки тўлиқ бўлмаган оилалар бўйича отаси ёки онаси) уч ойдан ортиқ муддатга чет элга кетган болаларни аниқлаш ҳамда маълумотларни васийлик ва ҳомийлик органига юбориш	Васийлик ва ҳомийлик органи	Талабномани қабул қилиш, қарор чиқариш, қарор ижрочини таъминлаш чораларини кўриш
8.	Ўзгалар парваришига муҳтож бўлган ёлғиз яшовчи ҳамда ёлғиз кексалар ва ногиронлиги бўлган шахсларга маҳалла даражасидаги ресурслар, шу жумладан ижтимоий қўллаб-қувватлаш ва кўнгиллилар гуруҳларини шакллантириш ҳамда маҳалла даражасида маданий ва маърифий тадбирлар ўтказилишини ташкил этиш*	Ёшлар сиёсати ва спорт бош бошқармалари, Нуруний жамғармаси, “Баркамол авлод” маркази, маданият бўлими, адлия бўлими	Талабномани қабул қилиб олиш, хизмат кўрсатиш, ахборот бериш
9.	Ўзгалар парваришига муҳтож бўлган ёлғиз яшовчи ҳамда ёлғиз кексалар ва ногиронлиги бўлган шахсларга қонунчилик ҳужжатларида бепул берилиши назарда тутилган дори-дармон билан таъминлаш ишларини ташкил этиш*	Тиббиёт бирлашмаси	Талабномани қабул қилиб олиш, хизмат кўрсатиш, ахборот бериш

10.	Ногиронлиги бўлган шахслар, оғир касалликка чалинганлар, шунингдек, жисмоний, ақлий, сенсор ёки руҳий нуқсонлари бўлган ҳамда узоқ вақт даволанишга муҳтож бўлган болалар бўйича Психологик-тиббий-педагогик комиссияларнинг хулосасини олиш учун ариза қабул қилиш	Мактабгача ва мактаб таълими бўлими	Талабномани қабул қилиб олиш, хизмат кўрсатиш, ахборот бериш
“Инсон” ижтимоий хизматлар маркази			
11.	Ўзгалар парваришига муҳтож бўлган ёлғиз яшовчи ҳамда ёлғиз кексалар ва ногиронлиги бўлган шахсларни ҳар йили бир маротаба жадвал асосида чуқурлаштирилган тиббий кўрикдан ўтказиш ишларини ташкил этиш	Тиббиёт бирлашмаси	Талабномани қабул қилиб олиш, хизмат кўрсатиш, ахборот бериш
12.	Ногиронлиги бўлган шахсларга “Параспорт ўйинларида тасниф қоидалари ва принциплари”га кўра параспорт билан шуғулланишлари бўйича берилган тавсияларига асосан спорт объектларига йўналтириш	Ёшлар сиёсати ва спорт бош бошқармалари	Талабномани қабул қилиб олиш, хизмат кўрсатиш, ахборот бериш
13.	Ўзгалар парваришига муҳтож бўлган ёлғиз яшовчи ҳамда ёлғиз кексалар ва ногиронлиги бўлган шахсларга маданий тадбирларни, шу жумладан концерт дастурларини ташкил этиш*	Маданият бўлими, Нуруний жамғармаси	Талабномани қабул қилиб олиш, хизмат кўрсатиш, ахборот бериш
14.	Ўзгалар парваришига муҳтож бўлган ёлғиз яшовчи ҳамда ёлғиз кексалар ва ногиронлиги бўлган шахсларнинг яшаш жойида санитария-эпидемияга қарши тадбирларини ўтказиш*	Санитария-эпидемиологик осойишталик ва жамоат саломатлиги қўмитаси	Талабномани қабул қилиб олиш, хизмат кўрсатиш, ахборот бериш
15.	Меҳнатга лаёқатли ногиронлиги бўлган шахсларни тиббий-ижтимоий эксперт комиссияларининг тавсияси ҳамда йўлланмасига асосан бандлигини таъминлаш ёки касбга тайёрлаш бўйича Камбағалликни қисқартириш ва бандлик бўлимига йўналтириш ва мониторингини олиб бориш	Камбағалликни қисқартириш ва бандлик бўлими, Оила ва хотин-қизлар қўмитасининг ҳудудий бўлинмалари	Талабномани қабул қилиб олиш, хизмат кўрсатиш, ахборот бериш
16.	Ногиронлиги бўлган шахслар, оғир касалликка чалинганлар, шунингдек, жисмоний, ақлий, сенсор ёки руҳий нуқсонлари бўлган ҳамда узоқ вақт	Тиббиёт бирлашмаси,	Талабномани қабул қилиш, хизмат

	даволанишга муҳтож бўлган болаларга тиббиёт бирлашмаларида, спорт комплексларида бассейн-даволаш ва жисмоний тарбия (ЛФК) залларидан фойдаланишни ташкил этиш*	Ёшлар сиёсати ва спорт бош бошқармалари, “Баркамол авлод” маркази	хизмат локациясини аниқлаш, кўрсатишни ташкил қилиш
17.	Тазйиқ ва зўравонликка учраган хотин-қизлар ва уларнинг вояга етмаган фарзандларининг йўқотилган биометрик паспортларини (идентификация ID-карталарини), туғилганлик ҳақида ҳамда никоҳ қайд этилганлиги тўғрисида такрорий гувоҳнома олиш, никоҳда турмаслиги ёки никоҳдан ажралганлиги тўғрисидаги маълумотнома, ёлғиз она аризасига асосан қайд қилинган туғилганлик ҳақида маълумотнома ҳамда фамилия, исм, ота исмини ўзгартирганлик ҳақида маълумотномани тиклаш, шунингдек яроқсиз ҳолатга келган ёки йўқотилган меҳнат дафтарчасидаги ёзувларни тасдиқлаш ишларини ташкил қилиш*	Ички ишлар бўлими, адлия бўлими	Талабномани қабул қилиш, хизмат кўрсатиш, ахборот бериш
18.	Тазйиққа учраган аёлларни хотин-қизларнинг касб-хунарга ўрганиш истаги бўлганларини ҳудудлардаги мономарказ ва касб-хунарга ўқитиш марказларида касбга ўргатишга йўлланма бериш*	Камбағалликни қисқартириш ва бандлик бўлими	Талабномани қабул қилиш, хизмат кўрсатиш, ахборот бериш
19.	“Инсон” ижтимоий хизматлар марказлари тазйиқ ва зўравонлик масалалари бўйича жабрланганлар ҳуқуқларини ҳимоя қилиш мақсадида мутахассис сифатида судда вакиллик қилиш*	Адлия бўлими	Талабномани қабул қилиш, хизмат кўрсатиш, ахборот бериш
20.	Тазйиқ ва зўравонликдан жабр кўрган хотин-қизлар ва уларнинг фарзандларининг ҳуқуқлари ва қонуний манфаатларини ҳимоя қилиш мақсадида судларга ариза (шикоят) ва даъволар киритиш*	Адлия бўлими, туман (туманлараро) суд органлари	Талабномани қабул қилиш, хизмат кўрсатиш, ахборот бериш
21.	Аёлларни реабилитация қилиш ва мослаштириш республика маркази ва унинг ҳудудий бўлимларига жойлаштирилган аёлларнинг вояга етмаган фарзандларини энг яқин ҳудуддаги имитиёзли шартларда мактабгача ҳамда умумий ўрта таълим муассасаларига вақтинча жойлаштириш	Мактабгача ва мактаб таълими бўлими	Талабномани қабул қилиш, хизмат кўрсатиш, ахборот бериш
22.	Кам таъминланган оилалар бўйича мактабгача таълим ташкилотларига	Мактабгача ва	Талабномани қабул

	жойлаштириш	мактаб таълими бўлими	қилиб олиш, хизмат кўрсатиш, ахборот бериш
23.	Васийликка, ҳомийликка, оилага тарбияга (патронат) ҳамда оилавий болалар уйига берилган болаларнинг ҳуқуқ ва қонуний манфаатлари ҳимоя қилинишини таъминлаш	Туман (шаҳар) прокуратураси	Талабномани қабул қилиб олиш, хизмат кўрсатиш
24.	Оилада боланинг ҳаёти ёки соғлиғига бевосита хавф солаётган омиллар бартараф этилганда ота-оналик ҳуқуқларини тиклаш чораларини кўриш*	Васийлик ва ҳомийлик органи, ички ишлар бўлими	Талабномани қабул қилиб олиш, хизмат кўрсатиш
25.	Боқувчисини йўқотганлик пенсиясини расмийлаштириш*	Туман Пенсия жамғармаси бўлими	Талабномани қабул қилиб олиш, хизмат кўрсатиш

*) Мазкур ижтимоий хизматлар 2024 йил 1 январдан бошлаб йўлга қўйилади.

Вазирлар Маҳкамасининг
2023 йил 14 октябрдаги 539-сон қарорига
6-илова

**“Ягона миллий ижтимоий ҳимоя” ахборот тизимига интеграция қилинадиган
электрон маълумотлар базалари ва идоралараро маълумотлар алмашинуви
РЎЙХАТИ**

Т/р	Вазирлик ва идора номи	Маълумот турлари
1.	Адлия вазирлиги	1. Ота-оналарнинг (васийларнинг) вояга етмаган фарзандларини чет элга чиқиши, шунингдек, уларга ҳамроҳлик қилувчи шахсга ҳамроҳлик қилиш учун розилиги тасдиқланганлиги тўғрисида маълумот. 2. Тадбиркорлик субъектининг давлат рўйхатидан ўтказилганлиги тўғрисидаги гувоҳнома тўғрисида маълумот. 3. Лицензиялар мавжудлиги тўғрисида маълумотлар.
2.	Адлия вазирлиги ҳузуридаги Персоналлаштириш агентлиги	1. Чет эл фуқароси тўғрисида маълумот. 2. Шахс тўғрисида паспорт маълумотлари. 3. Чегарани кесиб ўтган шахслар тўғрисида маълумот.
3.	Адлия вазирлиги ҳузуридаги “Ўзархив” агентлиги	Архив маълумотларини олиш.
4.	Камбағалликни қисқартириш ва бандлик вазирлиги	1. Иш тарихи тўғрисида маълумот. 2. Корхона, бўлим ходимларининг сони тўғрисида маълумотлар. 3. Ташкилот ходимлари тўғрисида маълумотлар. 4. Маҳалла фаоллари тўғрисида маълумотлар. 5. Ходимнинг иш тарихи тўғрисида маълумот. 6. Корхона, бўлим ходимларининг сони тўғрисида маълумотлар.
5.	Камбағалликни қисқартириш ва бандлик вазирлиги ҳузуридаги Оила ва хотин-қизлар қўмитаси	1. Танловда иштирок этиш учун кам таъминланган оилалар аёлларига берилган тавсияномалар ҳақида маълумот. 2. Мутахассислиги бўйича камида беш йиллик иш стажига эга бўлган аёллар учун олий таълим муассасасига кириш бўйича тавсияномалар ҳақида маълумот.
6.	Соғлиқни сақлаш вазирлиги	1. Назорат остидаги объектлар ҳақида маълумотлар. 2. Касаллик варақаси ҳақида маълумот.

7.	Олий таълим, фан ва инновациялар вазирлиги	1. Олий таълим муассасаларининг таълим шакллари тўғрисида маълумотлар. 2. Талабалар ҳақида маълумотлар.
8.	Олий таълим, фан ва инновациялар вазирлиги ҳузуридаги Билим ва малакаларни баҳолаш агентлиги	1. Такдим этилган сертификатлар ҳақида маълумот. 2. “Нострификация”дан ўтган халқаро дипломлар тўғрисидаги маълумотлар. 3. Абитуриентларнинг олий таълим муассасаларига ўқишга кириш ҳуқуқини тасдиқловчи ҳужжатлар тўғрисидаги маълумотлар.
9.	Транспорт вазирлиги	Автотранспорт воситасида йўловчи ташиш учун лицензия варақаси берилганлиги тўғрисида маълумот.
10.	Иқтисодиёт ва молия вазирлиги	1. Пенсия дафтарчаси ҳақида маълумот. 2. Талабанинг контракт тўлови ҳақида маълумот. 3. Мактабгача таълим тўлови ҳақида маълумот.
11.	Иқтисодиёт ва молия вазирлиги ҳузуридаги Божхона қўмитаси	1. Импорт қилинган автотранспорт воситалари тўғрисидаги маълумотлар. 2. Жисмоний шахслар номига халқаро почта ва курьерлик жўнатмалари орқали келаётган товарлар ҳақида маълумот.
12.	Қишлоқ хўжалиги вазирлиги	Ижарага берилган ерларнинг маълумотлари.
13.	Ёшлар сиёсати ва спорт вазирлиги	1. Абитуриентларнинг амалий имтиҳон натижалари ҳақида маълумот. 2. Спортчининг паспорти ҳақида маълумот. 3. Спорт имтиёзлари ҳақида маълумот.
14.	Ички ишлар вазирлиги	1. Жиноий иш қўзғатилган шахслар тўғрисида маълумот. 2. Профилактик ва пробация ҳисобидаги шахслар тўғрисида маълумот. 3. Шахснинг судланганлиги ҳақидаги маълумот. 4. Фуқаролиги бўлмаган шахс ва чет эл фуқароси ҳақида маълумот. 5. Маҳалладаги профилактика инспектори ҳақида маълумот.
15.	Мактабгача ва мактаб таълими вазирлиги	Мактаб битирувчилари ҳақида маълумот.
16.	Қурилиш ва уй-жой коммунал хўжалиги вазирлиги	Фуқароларнинг коммунал туловлар қарздорлиги ҳақида маълумот.
17.	Экология, атроф-муҳитни муҳофаза қилиш ва иқлим ўзгариши вазирлиги	Маиший чиқиндиларга хизмат кўрсатиш учун баланс ҳақида маълумот.

18.	Вазирлар Маҳкамаси ҳузуридаги Солиқ қўмитаси	1. Суғурта мукофотлари ҳақида маълумот. 2. Юридик шахсларнинг маълумотлари. 3. Юридик шахсларнинг қарзи ҳақида маълумот. 4. Жисмоний шахсларнинг қарзи тўғрисида маълумот. 5. Жисмоний шахсларнинг мулк бўйича қарзи ҳақида маълумот. 6. Юридик шахсларнинг банк реквизитлари ҳақида маълумот. 7. Ташкилотнинг молиявий ҳисоботлари ҳақида маълумот. 8. Жисмоний шахсларнинг қарзи бор ёки йўқлиги тўғрисида маълумотнома.
19.	Давлат активларини бошқариш агентлиги	1. Бўш турган объектлар тўғрисида маълумотлар. 2. Банкрот деб топишган объектлар тўғрисида маълумот. 3. Давлат корхоналари ва устав капиталида давлат улуши бўлган корхоналар тўғрисидаги маълумотлар.
20.	Инвестициялар, саноат ва савдо вазирлиги ҳузуридаги Ўзбекистон техник жиҳатдан тартибга солиш агентлиги	1. Маҳсулотнинг мувофиқлик сертификати маълумотлари. 2. Юридик шахслар, яқка тартибдаги тадбиркорлар ва жисмоний шахсларга тегишли бўлган ҳисобга олиш приборлари ва ускуналарининг қиёслов ва метрологик кўриги ҳақидаги маълумотлар. 3. Сертификатлар ҳақида маълумот олиш.
21.	Бош прокуратура ҳузуридаги Мажбурий ижро бюроси	1. Фуқарода мажбурий ижро учун қарзлар мавжудлигини тўғрисида маълумот. 2. Фуқарога саёҳат тақиқи қўйилганлиги ҳақида маълумот. 3. Фуқарода мажбурий ижро варақаси мавжудлиги тўғрисида маълумот. 4. Фуқарога тегишли автотранспорт давлат рақами билан ижро варақаси мавжудлиги тўғрисида маълумот. 5. Автотранспортга таъқиқ мавжудлиги ҳақида маълумот. 6. Кўчмас мулкга таъқиқ мавжудлиги ҳақида маълумот. 7. Ундирувчи шахс сифатида ижро варақаси мавжудлиги тўғрисида маълумот. 8. Алимент тўловлари ҳақида маълумот.

22.	Ички ишлар вазирлиги Жамоат хавфсизлиги департаменти Йўл ҳаракати хавфсизлиги хизмати	1. Автотранспорт воситаси ҳақида маълумот. 2. Давлат рақами бўйича автотарнспорт воситалари ҳақида маълумот. 3. Жисмоний/Юридик шахсга тегишли аворттранспортлар ҳақида маълумот.
23.	Бадий академия	Санъат мактабида инклюзив шароити борлиги ҳамда имтиёзлари ҳақида маълумот.
24.	“Ўзсувтаъминот” АЖ	Совуқ сув истемолчиси баланси тўғрисида маълумот.
25.	“Худудий электр тармоқлари” АЖ	Электр энергияси баланси ҳақида маълумот олиш.
26.	“Худудгазтаъминот” АЖ	Газ таъминоти хизматлари учун баланс тўғрисида маълумот.
27.	“Тошиссиққуввати” унитар корхонаси	Иссиқлик таъминоти бўйича баланс ҳақида маълумот.
28.	Акциядорлик тижорат “Халқ банки”	1. ИНПС анкетаси ҳақида маълумот. 2. Ташкилотлар реестридаги маълумотлар. 3. Мижозлар анкеталари ҳақида маълумот. 4. Мижозлар тўлов хужжати ҳақида маълумот.
29.	Транспорт воситалари эгаларининг фуқаролик жавобгарлигини мажбурий суғурта қилиш бўйича тўловларни кафолатлаш жамғармаси	Транспорт воситалари эгаларининг фуқаролик жавобгарлигини мажбурий суғурта қилинганлиги бўйича батафсил маълумот.

